

往通行禁約外今指揮僉事等官朱驥等奏稱京城內外軍民人等多買良家女子或二三或三四口俱作使女及妾名目縱容與人通姦姦取財物無藉之徒專一在彼飲酒宿歇糾合為盜要行禁約如有犯者將縱容夫男義父及姦夫枷號示衆一節固為弭盜之源但京師人烟聚集其姦淫之風積習已久合無特旨先行禁約行令五城巡撫指揮并巡捕官校人等各照該管地方省諭大甲人等詢訪各甲內果有無籍之徒多買良家女子或一二口或三四俱作使女及妾名目縱容與人通姦限一箇月以乘赴官首告改過自新各務本等生業限外如仍故違拏送法司依律問罪將本夫義父姦夫枷號一箇月示衆照例發落婦女斷髮歸宗巡捕官校及大甲人等務要緝拿事得其實不許因而挾嫌生事妄拿平人事發一體究治如此

則盜風可止而弭盜有方矣

一竄容隱切見累次獲到強賊中間多係賭博窩娼之徒無有家業專一在於樂人之家窩歇所分贓物盡在其家費用寄藏其教坊司官員人等因見罪不累已法不追贓往住利其財物明知盜賊故意容匿至官校人等跟捕及行引送藏匿深為未便如蒙乞

勅法司禁約今後但有樂婦之家窩藏盜賊事發到官贓物除費用外追外其寄藏之贓照數追給仍將本司官員并窩藏樂人間罪如此則盜賊無

樂戶設計誘買良人為娼事發充軍

一件脩省事弘治二年十月內南京刑部左侍郎阮等奏該刑部尚書何等題

准今後樂人買良為娼依律問勘中間若有設計畧買之情追究得

